

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1360

原始資料: 蕭鎮國大德提供, 北美某大德提供

No. 1360 [cf. No. 1361]

六門陀羅尼經

大唐三藏法師玄奘奉 詔譯

如是我聞。一時薄伽梵。在淨居天上依空而住眾妙七寶莊嚴道場。與無央數菩薩眾俱。爾時世尊告諸菩薩。善男子若欲利益安樂眾生。汝當受此六門陀羅尼法。謂我流轉於生死中諸所受苦。勿令眾生同受斯苦。諸有所受富貴世樂。願諸眾生同受斯樂。我所作惡若未先悔終不發言稱無上法。我諸所有眾魔之業若未先覺。終不舉心緣無上法。我諸所有波羅蜜多所攝。一切世及出世廣大善根。願諸眾生皆當速證無上智果。我證解脫亦願眾生皆得解脫。勿令住著生死涅槃。陀羅尼曰。

懺謎懺謎(莫閉反) 羸諦羸諦 跋迭麗跋迭麗 穌跋迭麗穌跋迭麗 諦誓諦誓戰迭麗戰迭麗 戰迭邏伐底(丁履反)

低殊伐底 達磨伐底 薩縛結隸鑠 毘輸達儻 薩縛阿刺託 莎達儻 末諾僧輸達儻 莎訶

若有清信善男子善女人。能於日夜六時。讀誦如是六門陀羅尼者。此人所有一切業障皆悉消滅。疾悟阿耨多羅三藐三菩提。時薄伽梵說是經已。一切菩薩摩訶薩及諸天眾。聞佛所說皆大歡喜信受奉行。

六門陀羅尼經